

Deach'i sun demez, preii da me **mené les comunicaziuns por la plata dla cōra dai 03 ai 10 d'auri, cina en dedolōnesc 29 de merz dales 18.00.**

Le **dotur Marcocci é demez ai 30 merz**, sostitut doturia Mahlknecht 349 06 67 034.

PLOANIES SAN MARTIN Y LUNGIARÜ

En Pasca do la gran mëssa vëgnel **venü dan dljia rôses** por daidè i amarà de crebesc.

Te trames les ploanies vëgnel en Pasca metü fora n cëst por **l'oferta ai sorvidus**.

Le KVV-La Ila organisèia n curs por geniturs de trèi incuntades le dedolōnesc ai 12, 19 y 26 d'auri, dales 9.00 ales 12.00 sōn le tema „por na **bona armonia te familia**“ con le referënt Roland Feichter. Info y iscriziuns 0471 847 200

Al vëgn bel invié da gní a tó pert ai **Öspi da Pasca a San Martin** dales 18.00 tl lingaz dla uma por ciafé insciö confidënza cun la richëza di Salms, sciöche aconsié dal Conzil.

SAN MARTIN

La Uniun di ëi y dles ëres invieia ala festa di **maridà iubilars en domënia, ai 17 d'auri**, cun mëssa y sté adöm tl salf di stödafüch. Düc i përs che é 10, 15, 20, 25, 30, 35, 40, 45, 50, 55 ... agn maridà é dër bel invia. Chësc avis vel sciöche invit.

LUNGIARÜ

Invit ala **gara dla liösa dl paisc** da Lungiarü en Lōnesc de Pasca, 28 d'auri, dales 11.00 sōn la pista de Munt Cōrta, dedò marëna y premiazziuns sō dal Lūch de Vanc y do la premiazziun saräl ciamó na gran cufada. Iscriziuns pro Matteo Clara 339 20 89 342.

La Uniun Ladins Val Badia cun l'Istitut Ladin invieia ala **Matinée Musicala en Lōnesc de Pasca**, 28/04, dales 10.00 a San Martin sōn plaza dl Istitut Ladin pro liagnes blances y musiga cun Me+Marie; lapró cufada de üs cun dic ladins y marcé di libri.

L'Assoziaziun Badiasport mët a jì n **Workshop de „danza“** cun Caterina Canins y Simon Kostner cun jüc y eserzizi de movimënt, ecuiliber y stetching – elauraziun de coreografies sōn de vigni sort de musighes. Pröma incuntada en vënderes 01/04 dales 19.00 - 20.30 tla palestra scora elementara de Badia. Davert a ëi y ëres (ince zënza esperiënza) da 14 agn insö. Info Caterina 346 67 04 917 o Simon 347 26 00 727

En sabeda, ai 02/04, dales 16.00, tl salf dles manifestaziuns d'Al Plan presentaziun dl **liber de Pablo Palfrader** "Soredlins - löms, ambries y corusc dla Vita". Presentadëssa Katia Pizzinini. Al sona Hubert Frontull y Compagns. Dedò pice renfrësch.

La Uniun Sport San Martin organisèia n curs de **ginastica M.E.T. Funzionale** cun Serena de March, che mët man ai 5 d'auri por 10 iadi le dedolōnesc dales 20.15 - 21.15 tla palestra da S. Martin. Le cost é de 80 € + cherta d'iscriziun ala Uniun. Le pröm iade é debann. Prenoté le pröm dé te palestra o pro Maria 339 62 11 647.

Ciari al program de formaziun culturala por l'aisciöda y l'isté 2016 sōn www.micura.it

Döt le bun a chi che complësc i agn d'auri

a San Martin: Paula Ploner-Trebo che nen complësc 84 ai 12
Sepl Unterweger che nen complësc 87 ai 24

a Lungiarü: Lidvina Costa-Clara che nen complësc 93 ai 8
Berta Clara Mischi che nen complësc 83 ai 20
Amalia Rives Mischi che nen complësc 82 ai 23
Guido Clara che nen complësc 86 ai 30



www.unitepastorala.org

Plata dles Ploanies San Martin y Lungiarü



siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

27.03. - 03.04.16 nr. 18

termo da publiché: jöbia 20.00
radio: 90,40 / 93,70

DOMËNIA DE PASCA C

Vangele do San Jan 20,1-18

Le pröm dé dl'edema,
é Maria da Màgdala jüda da doman adora,
canch'al é ciamò scür, fora dala fossa y à odü
che la pera é tuta demez dal sepolcher.
Ara é saltada debota da Scimun Pire y dal
discepul, a chël che Gejù ti orô bun, y ti à dit:
An à tut le Signur fora de sepolcher,
y i ne savun nia, olach'an l'è metü.
Dailò é Pire y l'ater discepul jüs ia y fora
y é rovà fora dal sepolcher;
ai é saltà trami deboriada,
mo deache l'ater discepul é plü asvelt co Pire,
é chël rové por pröm dal sepolcher.
Al s'è cufé jö y ite y à odü les fascas de lin
ia por tera, mo al n'è nia jü ite.
Spo é incé jü ite l'ater discepul, che é rové por pröm dan le sepolcher;
al à odü y à cherdü.



Dla forza dla fede te Pasca y dl ardiment che pó crësce d'infora cunta na picia storia dal tēmp dl comunism tla Ruscia, canche la porsecuziun di cristians é dër sterscia. La Domënia de Pasca é düc i paur gnüs cherdá adöm a ascuté sō n referat de n funzionar comunista, che ti à splighé dl lunch y dl lerch l'assurdité dla fede cristiana.

Do le referat ési gnüs invia ala discusiun. Al é lové sō n paur, é jü dant y à scraie dadalt ite tl'indunanza le salut da Pasca sciöch'al é usanza tla Ruscia: „Crist é ressorti!“ y düc à respognü: „Al é veramenter ressorti!“ y chësc sot al prigo de gní condaná a mort. Na te testimonianza vëgn ma da porsones che sint la presënza via de Gejü y vir aladô.

	SAN MARTIN		LUNGIARÜ
ORA DA D'ISTÉ 27.03.16 DOMËNIA DE PASCA de nosc Signur Gejú Crist	10.00 Mëssa solëna de Pasca Benedisciun dl signé 18.00 Öspi da Pasca	27.03.16 Domënia	8.15 Mëssa solëna de Pasca Benedisciun dl signé 14.00 Öspi da Pasca
28.03.16 LÖNESC DE PASCA <i>Guntram, Wilhelm</i>	9.00 Adoraziun 9.30 Gran Mëssa <i>(zelebr. siur Pepi)</i> dl ann + Maria Chizzali ++ siur Bertrand y Paula Vollmann + Loise Dasser (KVV)	28.03.16 Lönesc	7.55 Corona por + Johanna Schanung 8.15 Gran Mëssa + Johanna Schanung (dla Uniun) + Clementina Costa dl Caizer ++ Nisio y Milia Clara
29.03.16 Dedolönesc <i>Helmut, Ludolf</i>		29.03.16 Mertesc	
30.03.16 Dedemesaledema <i>Dodo, Roswita</i>		30.03.16 Mercui	
31.03.16 Jöbia <i>Cornelia, Guido</i> Pröm Vëndres	7.00 Adoraziun dl pröm vëndres 7.30 Mëssa di scolars ++ Milia y Franz Vantsch ++ Tile y Nino del Giudice + Paul Vantsch Corona por vocaziuns	31.03.16 Jöbia	
01.04.16 pröm vëndres <i>Hugo, Irene, Gilbert</i>	18.30 Adoraziun chîta 19.00 Devoziun da Pasca	01.04.16 Vëndres	7.30 Mëssa dl ann + Davide Dapoz + frater Lino Mischi por les Animes
02.04.16 Sabeda <i>Francesch de Paola</i>	15.30 Mëssa tla Ciasa de Palsa 18.30 Mëssa prefestia fam. Planatscher, Preroman ++ Frenner, Lovara ++ Sorà, Pespach	02.04.16 Sabeda	20.00 Mëssa prefestia dl ann + Sabina Daporta, Mazchel + Scimun Mischi en onur de Sant Ujöp da Oies
27.03.16 2ª DOMËNIA DE PASCA Domënia dla Misericordia	9.00 Corona 9.30 Gran Mëssa dla comunité	03.04.16 Domënia	7.55 Corona 8.15 Gran Mëssa dla comunité